

永樂大典

三五

228562

國家圖書館藏

善本館藏

卷〇三八六 卑字等

卷〇三八七 丕字等

卷〇三八八 梅字

卷〇三八九 梅字



永樂大典卷之二千八百六

八

卑

洪武正韻賸回切下賤也。又見尾字韻許慎說文賸補移切賤也執事也。从少甲徐鍇通釋曰右重而左卑也在甲之下會意賸而反顧野王玉篇

下也孫愐唐韻府移切亦姓顏元孫千祿字卑卑上尊卑下界與必寐切宋重脩廣韻蔡邕胡大傳碑有太傅橡鴈門卑整丁度集韻賸補切司馬

光類篇又頻彌切賸也陸德明說又毗賸切聲或作卑又連還切水名出越萬縣又補弭切使也又部弭切形下大也又毗至切庫或作卑又僻吉

切鳥名郭守正紫雲韻謂山蓋卑本又作庫音婢又必支切禮冬官輪已卑音婢此非王柏正始音卑補支切下對高又部止切下之楊桓六書

統樹母賸統法參古文義同上卑隸正卑爲熊忠韻會舉要音清音又鮮卑東胡之夫依鮮卑山爲號在柳州界又鮮卑帶名楚辭小腰秀頸若鮮

卑只注鮮卑宋帶頭也言腰支細小頸銳秀長若以鮮卑帶約而束之也周伯琦六書正譌俗作卑非李鑒存古正字子昇而少卑趙謙聲音文字

通微小傳少本尊反在甲下卑小之意孟位卑而言高或用庫婢揚子庫則儀秦鞅斯荀子婢汚庸俗借東胡依鮮卑山爲號轉注見吃韻又去聲

尊卑

易謙尊而光卑而不可踰禮記樂記所以示後世有尊卑長幼之序也

祭統尸飲五君洗王爵獻御尸飲七以瑋爵獻大夫尸飲九以散爵獻士及羣有司皆以盞明尊卑之等也明堂也者明諸侯之尊卑也郊特牲共牢而食同尊卑也成帝紀詔曰聖王明禮制以序尊卑白虎通尊陽在上卑陰在下禮有尊卑誅不避親戚何所以尊君卑臣強幹弱枝明善喜惡之義也西漢書司馬相如風通西南夷書是狀殊俗之國君主易位尊卑失序東漢書鄭太詭對董卓詞就有其人而尊卑無序王爵不加西漢書袁盎傳尊卑有序則上下和公孫弘策尊卑有分謂之禮杜鄴傳陽尊陰卑卑者隨尊尊者兼卑天之道也東漢書賈復傳因鄧禹得召見署破虜將軍督盜賊復馬嚴光武解左驂賜之官屬以復後來好陵折等輩調補鄴尉光武曰賈督有折衝之威方任以職勿得擅除注曰時上置府官屬後與耿种共坐种曰君將軍督我大司馬督不得共坐後曰俱劉公吏有何尊卑官屬以為不遜方策畧例尊卑有常序春秋謹於別尊卑通鑑周外紀周公謂伯禽曰吾聞祿位尊盛守之以早者貴淮南子夫禮者所以別尊卑異貴賤尊貴者不輕其罰而卑賤者不重其刑王弼辨位有尊卑又有陰陽尊者陽之所處卑者陰之所處

也。故以尊爲陽位。卑爲陰位。去初上而論位分。則三五各在一卦之上。亦何得不謂之陽位。二四各在一卦之下。亦何得不謂之陰位。五刑解殺者。生於不義。義所以別貴賤。明尊卑也。貴賤有別。尊卑有序。則民莫不尊上而敬長。朝聘之禮者。所以明義也。五代史霍彥威傳。明宗討趙在禮。明宗軍變。明宗涕泣諭之。軍士曰。我輩狼虎。豈識尊卑。彥威勸明宗乃入城。經于法語上。欲尊而宇欲卑。

天尊地卑

易

尊地卑。乾坤定矣。卑高以陳。貴賤位矣。注曰。先明天尊地卑。以定乾坤之體。天尊地卑之義既列。則涉于萬物貴賤之位。明矣。蹇曰。天以剛陽而尊。地以柔陰而卑。則乾坤之體安定矣。卑謂地體。高謂天體。高上卑下。既以陳列。則物之貴賤得其位矣。若卑不處卑。謂地在上。高不處高。謂天在下。上下既亂。則萬物貴賤不得其位矣。禮記樂記。天尊地卑。君臣定矣。既云廣明禮樂之功。包天地之德。此天尊地卑。明禮爲天地之別也。莊子。夫尊卑先後。天地之行也。故聖人取象焉。天尊地卑。神明之位。夫尊卑而卑古學者之流也。古無所尊。今無所卑。而學者尊古而卑今。失其原矣。文中子。天尊地卑。君臣立矣。故次之以富。君爲。東漢書禮儀志。大禮雖簡。鴻儀則容。天尊地卑。君莊臣恭。

君尊臣卑

管子

明法法立數得而無比周之民則上尊而下卑夫尊君卑臣強幹弱枝明善善惡惡之式也西漢書賈誼傳上疏曰人主之尊譬如堂羣臣如陛衆庶如地故陛九級上廣遠地則堂高陛亡級廉近地則堂卑高者難攀卑者易陵理勢然也

男尊女卑

列子榮啓

期曰男女之別男尊女卑以男爲貴吾得爲男三樂也

位卑

孟子位卑而言高罪也立乎人之本朝而道不行耻也

羞

卑

楚辭云衆寡囂而維處者威嗟老而羞卑視予心之不然若慮行道之猶非宋黃庭堅章明楊墓碣鄙夫嗟咨戚老羞卑明楊照熙

自

卑

禮記故君子雖自卑而民敬尊之諸子瓊林齋疎同姓以自卑

齊將卑

子華子晏子問於子華子曰齊之公室懼

卑奈何子華子曰夫人之有欲也天必隨之齊將卑是求夫何懼而不獲昔者軒轅二十五宗故黃作行于天下于今未忘也宗周之王也姬姓之封者凡七十去指之不能率其臂猶臂之不能運其體也今齊自襄桓以來斬斬焉朝無公姓野無公田帶甲橫兵挾戟而能戰非公士也結綬纓纓位列而藉居公臣也公族之子若其孫散而之於四方惟重祿是係公所以與俱者自有肺腑者也於詩有之宜無他人不如我同姓何以是踴

蹠而以臨於人上也。齊將卑是求。未何懼而不獲。今之人分財賄而誅鉤
策。良有以夫。鉤策者為能均也。使善惡多寡。無所歸其怨也。是以聖人窮
造物以為識量。然且龜卜者筮以為決。所以立言於公也。聲出而應。律牙
出而協度。然且權量尺石以為器。所以立正於公也。義適而理訓。舉天下
無敢以容其議。然且書契章程以為式。所以立信於公也。德澤汪濊威制
宏遠。盡四海之大。無不面納。然且法制禮籍以為准。所以立義於公也。今
齊則不然。所以為國舉出於私矣。非止乎此而已也。而又公飲其怨。私受
其福矣。公賔其名。私享其實矣。齊之忘於公室。非一日也。故齊將卑是求
夫何懼

知宗禮卑

易繫辭。夫易聖人所以崇德而廣業也。知宗
禮卑。崇効天卑法地。程若庸增廣字訓窮理

之精。知識超邁。是曰知宗。循理之篤。踐履切實。是曰禮卑。朱子曰。窮理則
知宗。知天而德崇。知天。循理則禮卑。知地而業廣。知識貴乎高明。踐履貴
乎切實。知既高明。須是放低着實做去。程子曰。崇底便是知。卑底便是禮。
知則崇高。禮則卑下。高卑順理。合天地之道也。張子曰。非知德不崇。非禮
業不廣。又曰。崇天也。形而上也。通晝夜之道而知。其知崇矣。知及之而不
以禮。性之得己有也。故知禮成性而道義出。如天地位而易行。智極其高

故欲天禮者實處法地。人必禮以立。失禮則孰為道。若問曰。智柔者。所以致吾知也。禮早者。所以為吾行也。張子巖曰。聖人清明之。即稽於天道德仁義之化。自是而行。故適以之而日新。聖人中正之禮。則於地紀綱法度之數。自是而出。故業以之而富。有項平養以。聖人難易於身也。知窮萬理之原則。而極之。乾之始萬物也。禮循萬理之則。則踐而行之。坤之成萬物也。朱子曰。知崇進德之事也。禮早居業之事也。知識高便是象

天所行實便是法地。人曰。大學此說。格物致知。是知崇之事。誠意正心。修身齊家。治國平天下。是禮早之事。知却要極於高明。而禮則要極於早。

如禮儀三百。威儀三千。無不委曲。無非至早之事。楊希元茂子曰。一性之知五行之水也。水之性就下。猶知易流於早也。故聖人仰之而使之效天。

故以崇言天之高明。吾知之高明也。一性之禮五行之火也。火之性炎上。猶禮之易涉於亢也。故聖人俯之而使之法地。故以早言地之博厚。吾禮

之傳。謂山蓋卑。詩正月篇謂山。蓋卑為岡為陵。降尊就卑。禮大饗君

昨焉。三獻之介。尊卑而。登高自卑。中庸云。君子之道。辟如行。昨焉。此降尊以就卑也。遠必自通。辟如登高必自

卑
辭尊居卑

孟子萬章篇孟子曰為貧者辭尊居卑辭富居貧辭尊居卑辭富居貧惡乎宜乎

天

高聽卑

史記宋景公二十七年葵惑守心司星子韋曰可移於民曰君者待民曰可移於歲曰歲飢曰吾股肱曰可移於民曰君者待民曰可移於歲曰歲飢

民困吾誰為君子韋曰天高聽卑君有君人之言三葵惑宜退後果徙三度又列女傳孫叔敖母曰有陰德者陽報之德勝不祥仁除百禍天之處高而聽甚卑也汝必興於楚後果然

失不汙卑

楚辭得之為大夫不失卑凡吾所有不敢以施也

轉近

轉卑

王謹唐語林陽城居夏縣拜諫議大夫鄭綢居閩州并右拾遺李周南居曲江拜校書郎時人以為轉遠轉高轉近轉卑也

兵微用卑

唐李觀涇州王將軍大苟聖人用人一如將軍斧鉞之雄征鎮之類則將軍無憤屨涇州無陷圍亦可知矣

矣惜若兵微用卑以至於是以尊臨卑

以尊臨卑

袁潔齋奏議以尊臨卑以上制下心所欲為何事不集雖高屋之建鏡水

不足喻其捷也群書足用體題高

化卑

莊子聖人其窮也使家人忘其貧其達也使王公忘爵祿

下大小有序有分等差

而化

祇卑

元真子碧虛篇無涯者維伯也涯之言曰黃郊之帝曰祇卑紫微之帝曰神尊碧虛之帝曰靈荒祇卑王於地山河

草木屬焉神尊曰朕有天祇卑曰朕有地靈荒曰朕有天地之名而問之祇卑曰朕之體大質厚資主元元中高外岳其勢坤肩然如壇樓物尊園八極海環九山骨巖石毛草木肉土而脉泉汗露氣煙江河川瀆亂奔流八蟲鳥獸紛往還

句卑

史記吳太伯世家顏高卒于句卑立

蒲卑

姚寬西溪叢語華陽國志蜀志云繁叢魚鳧之後有王曰杜宇稱帝號曰望帝更名蒲卑

卑氏

卑躬

三國志河間令漢北平太守

卑整

三國志馬門令東漢太尉掾

卑術

三國志公孫度將

卑昌齡

三國志馬門卑氏刺史昌齡之後昌齡生子牧

卑牧

江陽譜字自牧因任瀘州

樂共城路分居于瀘復知黔州孝宗召見議恢復稱旨又乞免黔州折估從之知成州治為利路最再知雅州卒

卑嶧

江陽譜牧之子字

之子字魯山以父恩積官知成州又知珍州至武經即致仕廉而好施死無餘貲

卑嶠

江陽譜牧之子字巨出以父恩積官

卑

杲

江陽諸嶧之子字子明以父恩補官

附 西卑

元史西卑唐元氏太祖皇帝時充博兒赤積官金紫光祿大夫子阿魯

世祖皇帝時充速古兒赤至元十八年授安遠大將軍唐元親軍副都指揮使佩虎符二十二年進奉國上將軍樞密同僉右衛親軍都指揮使兼領唐元衛三十一卒子仙仙初充舍兒伯赤元貞元年授昭勇大將軍唐元親軍都指揮使仍虎符大德二年卒子和實納幼以第三哥兒襲職後改陞甘肅省左丞以和實納襲前職積官昭武大將軍致和元年秋八月西安王以兵討倒剌沙命從丞相燕帖木兒擒其黨元刺伯都等丞相賞金帶一命以兵備守禦有功

鮮卑國

又山名北史魏本紀黃帝子昌意少子受封受封北國有大鮮卑山因以為號其後世為君長統幽都之地唐漢之野史從射獵為業淳樸為俗簡易為化不為文字刻木結繩而已隋圖經曰鮮卑山在柳城縣東南楚辭小腰秀頸若鮮卑只注衣帶頭也古碑曰小頭秀去若以鮮卑帶勒而束之羅泌路史後紀戎子追朔野有葛鳥釋世長鮮卑又以侯斤侯汾渝汾嗣汾侯鬱為氏注或云神異記戎子孫通希北方鮮卑呼單為侯汾以其當單玖號侯汾今海錄碎事云有熊氏之苗裔邑于紫蒙之野號曰東胡秦漢之間

為匈奴所敗保于鮮卑山因以為號後漢書鮮卑者亦東胡之支也別休
鮮卑山故因號焉其言語習俗與烏桓同唯婚姻先髡頭以季春月大會
於饒樂水上水在今營州北飲讌畢然後配合又禽獸異於中國者野馬
原羊角端牛以角為角俗謂之角端弓者其頭注兩目曰原羊似羊而
大角出西方前書有焉曰角端似牛角可為弓又有貂豹驪子皮毛柔蟻
蝟音女謂及體柔胡昆反經題並犀屬其體屬也故天下以為名裘漢初
亦為冒頓所破遠竄遼東塞外與烏桓相接未常通中國焉光武初匈奴
強盛率鮮卑與烏桓寇抄北邊殺略吏人無有寧歲建武二十一年鮮卑
與匈奴入遼東遼東太守祭彤擊破之斬獲殆盡事已具彤傳由是震怖
及南單于附漢北虜孤弱二十五年鮮卑始通驛使其後都護偏何等詣
祭彤求自効功因令擊北匈奴左伊育訾部斬首二千餘級其後偏何連
歲出兵擊北虜單于輒持首級詣遼東受賞賜三十年鮮卑大人於仇責滿
頭等率種人詣闕朝賀慕義內屬帝封於仇責為王滿頭為侯時漁陽赤
山烏桓欲志貢等數寇上谷永平元年祭彤復賂偏何擊歆志貢破斬之
於是鮮卑大人皆來歸附並詣遼東受賞賜青徐二州給錢歲二億七千
萬為常明章二世保塞無事和帝永元中大將軍竇憲遣右校尉耿种擊

破匈奴單于逃走鮮卑因此轉徙據其地匈奴餘種留者尚有十餘萬
落皆自號鮮卑鮮卑由此漸盛元年遼東鮮卑攻肥如縣肥如縣故城在
今平州也太守祭柔坐沮敗下獄死十三年遼東鮮卑寇右北平因入漁
陽漁陽太守擊破之延平元年鮮卑復寇漁陽漁陽太守張顯率數百人
出塞追之兵馬掾嚴授諫曰前道險阻賊勢難量宜日結營先令輕騎偵
視之顯意甚銳怒欲斬之因復進兵遇虜伏發士卒悉走唯授力戰身被
十創手殺數人而死顯中流矢主簿衛福功曹徐威皆自投赴顯俱歿於
陣鄧太后策書褒歎賜顯錢六十萬以家二人為郎授福威各錢十萬除
一子為郎安帝永初中鮮卑大人燕荔陽詣謁朝賀鄧太后賜燕荔陽王
印綬赤車參邪令止烏桓校尉所居窰城下通胡市因築南北兩部質館
桑館以校降質鮮卑邑落百二十部各遣入質是後或降或畔與匈奴
桓更相攻擊元初二年秋遼東鮮卑圍無慮縣無慮縣屬遼東郡州郡合
兵固保清野鮮卑無所得清野謂收穀聚不令寇得之也復攻扶黎營
殺長吏執其妻妾還東夷校尉張奐在營阻水旬四年遼西鮮卑連休等
遂燒塞門寇百姓烏桓大人於秩居等與連休有宿怨共郡兵奔擊大破
之斬首千三百級悉獲其生口牛馬財物五年秋代郡鮮卑萬餘騎遂穿

塞入寇分攻城邑燒官寺殺長吏而去乃發緣邊甲卒黎陽營兵屯上谷以備之冬鮮卑入上谷攻居庸關復發緣邊諸郡黎陽營兵積射士步騎二萬人屯列衝要六年秋鮮卑入馬城塞殺長吏馬城縣名屬代郡也度遼將軍鄧遵發積射士三千人及中郎將馬續率南單于與遼西右北平兵馬會出塞追擊鮮卑大破之獲生口及牛羊財物甚衆又發積射士三千人馬三千匹詣度遼營屯守永寧元年遼西鮮卑大人烏倫其至鞬率衆詣鄧遵降奉貢獻詔封烏倫爲率衆王其至鞬爲率衆侯賜綵繒各有差建光元年秋其至鞬復畔寇居庸雲中太守成嚴擊之兵敗功曹楊祿以身捍嚴與俱戰歿鮮卑於是圍烏桓校尉徐常於馬城度遼將軍耿种與幽州刺史龐參發廣陽漁陽涿郡甲卒分爲兩道救之常夜得潛出與種等并力並進攻賊圍解之鮮卑既累殺郡守膽意轉盛控弦數萬騎延光元年冬復寇鴈門定襄遂攻太原掠殺百姓二年冬其至鞬自將萬餘騎入東嶺候分爲數道攻南匈奴奴於蔓相縣屬五原郡也莫鞬日逐王戰死殺千餘人三年秋復寇高柳擊破南匈奴奴殺漸將王順帝永建元年秋鮮卑其至鞬寇代郡太守李超戰死明年春中郎將張國遣從事特南單于兵步騎萬餘人出塞擊破之獲其資重二千餘種特遠東鮮卑六十

餘騎亦寇遼東玄菟烏桓校尉耿舉募緣遼諸郡兵及烏桓率衆王出塞擊之斬首數百級大獲其生口牛馬什物鮮卑乃率種衆三萬人詣遼東乞降三年四年鮮卑頻寇漁陽朔方六年秋耿舉遣司馬將胡兵數千人出塞擊破之冬漁陽太守又遣烏桓兵擊之斬首八百級獲牛馬生口烏桓豪人扶救官勇健救音所故反每與鮮卑戰輒陷敵詔賜號率衆若陽嘉元年冬耿舉遣烏桓親漢都尉戎朱處率衆王侯出歸等出塞抄擊鮮卑大斬獲而還賜出歸等已下爲率衆王侯長賜綵繒各有差鮮卑復寇遼東屬國於是耿舉乃移屯遼東無慮城拒之二年春匈奴中郎將趙稠遣從事將南匈奴骨都侯夫浣等出塞擊鮮卑破之斬獲甚衆詔賜夫浣金印紫綬及繅絲各有差秋鮮卑穿塞入馬城代郡太守擊之不能克後其至鞬死鮮卑抄盜益稀桓帝時鮮卑檀石槐者其父牧鹿侯初從匈奴軍三年其妻在家生子投鹿侯歸怪欲殺之妻言嘗晝行聞雷震仰天祝而雹入其口因吞之遂安身十月而產此子必有奇異且宜長視之投鹿侯不聽遂棄之妻私語家令收養焉名檀石槐年十四五勇健有智略異部大人抄取其外家牛羊檀石槐單騎追擊之所向無前悉還得所亡者由是部落畏服乃施法禁平曲直無敢犯者遂推以爲大人檀石槐乃立

庭於彈汗山飲仇水上音昌悅反去高柳北三百餘里兵馬甚盛東西部大人皆歸焉因南抄緣邊北拒丁零東卻夫餘西擊烏孫盡據匈奴故地東西萬四千餘里南北七千餘里網羅山川水澤鹽池永壽二年秋檀石槐遂將三四十騎寇雲中延熹元年鮮卑寇北邊冬使匈奴中郎將張奐率南單子出塞擊之斬首二百級二年復入鴈門殺數百人太妙掠而去六年夏千餘騎寇遼東屬國九年夏遂分騎數萬人入緣邊九郡並殺掠吏人於是復遣張奐擊之鮮卑乃出塞去朝廷積患之而不能制遂遣使持印綬封檀石槐爲王欲興和親檀石槐不肯受而寇抄滋甚乃自分其地爲三部從右北平以東至遼東接夫餘濊貊二十餘邑爲東部魏書云其大人曰彌加闕機素利槐頭從右北平以西至上谷十餘邑爲中部魏書云其大人曰柯最闕居慕容等爲大帥從上谷以西至燉煌烏孫二十餘邑爲西部魏書云其大人曰置鞬落羅曰律推演宴嘉游等皆爲大帥各置大人主領之皆屬檀石槐靈帝立幽并涼三州緣邊諸郡無歲不被鮮卑寇抄殺略不可勝數熹平三年冬鮮卑入北地太守夏育率休屠屠各追擊破之還育爲護烏桓校尉五年鮮卑寇幽州六年夏鮮卑寇三造秋夏育上言鮮卑寇遠自秦以來三十餘發請徵幽州諸郡兵出塞擊

之一冬二春必能禽滅朝廷未許先是護羌校尉田晏坐事論刑被原欲立功自効乃請中常侍王甫求得為將甫因此議遣兵與育并力討賊帝乃拜晏為破鮮卑中郎將大臣多有不同乃召百官議朝堂議郎蔡邕議曰書戒猶夏湯伐鬼方尚書典曰蠻夷猾夏寇賊姦宄猶亂也易既濟九三又辭曰高宗伐鬼方三年而克之前書淮南王安曰鬼方小蠻夷也音義曰鬼方遠方也周有撿狁蠻荆之師詩小雅曰顯允方叔征伐撿狁蠻荆未滅漢有關顏瀚海之事武帝使大將軍衛青擊匈奴至關顏山斬首萬餘級使霍去病擊匈奴封狼居胥山登臨瀚海也征討殊類所由尚矣然而時有同異勢有可否故謀有得失事有成敗不可齊也武帝情存遠略志闢四方南誅百越北討強胡西伐大宛東并朝鮮因文景之蓄積天下之饒數十年間官民俱匱至乃興鹽鐵酒榷之利設告婚重稅之令武帝使東郭成陽等領天下鹽鐵敢私鑄錢賣鹽者鈇左趾榷專也官自賣酒人不得賣也又并鑄錢率鑄錢二千而算一令各以其物自占占不悉聽人告緡以半與之音義曰緡緣也用以貫錢故曰緡錢二算百二十也民不堪命起為盜賊關東紛擾道路不通武帝天漢二年泰山琅邪羣賊徐勃等阻山攻城道路不通繡衣直指之使奮鉞鉞而並出武帝使直